

ALLAH, ƆDOMFOƆ, MMƆBORƆ HUNUFOƆ NO DIN MU

ƐFIADA NYAMESƐM: Oforesuo Bosome da a ɛto so 5, wɔ afe 2013
(Summary of Friday sermon – 5th April, 2013 – Ashanti Twi Translation)

ASƆREDAN SIE, NKABOM NE PƐREPƐREYƆ.

Hadhrat Khalifatul Masih kaa ne Nyamesem no wɔ “Baitur Rahman Asoredan mu wɔ Valencia a ɛwɔ Spain. Ɔkanee saa Kuraan kyefa a ɛdi soɔ yi:

“Na monso Allah ahoma no mu dendenden, mo nyinaa monka mmɔm, na mma mo mpaepae mo mu; na monkae Allah adom a Ɔde agu mo so bere a na moye atamfo ma mo ho no, Ɔno na Ɔkaa mo akoma boɔ mu wɔ ɔdo mu, na N’adom nti mobeyee se anuanom; na na mo wɔ egya amena no konkoro ano na Ɔno na Ɔtwitwa gyee mo firii ho. Saa kwan yi so no Allah kyerekyere Ne mmransem mu kyere mo, sedee ebeyo na moanya kwankyere”.

“Na moma nnipa-kuo bi ntena mo mu a won dwumadie ne se wobefre nnipa ako papa ho na woakyerkyere yobe pa, na wabra boneyo. Na weinom saa na wobedi nkunim” (Surah Al-Imran, nyiyimu 104-105).

“Fa nyansa ne afotu pa fre nnipa ko w’Awurade kwan so, na fa kwan pa a eye so ne won nyo mpensempensem mu. Ampa ara se w’Awurade no nim nea wayera afiri Ne kwan so; na Ɔnim won nso a wowo kwankyere no mu (Surah Al-Nahl, nyiyimu 126).

Nyankopon adom afiada a etwamu no, yedaa asoredan a ɛtoso mienu wɔ Spain no adi. Na Jama’at no ani agye yie fa saa dwumadie no ho na won ani to koso gye won ho. Hadhrat Khalifatul Masih kaa Nyamesem a etwa toɔ koraa wɔ Efiada a etwam no fa asoredan foforo no ho na ope se otwe yen adwene si neema bi so.

Bohye Messiah (ANN) no kaa se: saa mmere yi mu no yen Jama’at yi hia nsoredan pii. Asoredan ye Nyankopon fie. Eno nti na yen asi yen asoredan wɔ kuro keseɛ anaa kuro ketewa mu no. Yebefa no se, Jama’at no nkosoɔ fapem na yeresie no. Se kuro keseɛ anaa kuro ketewa bi wo ho na se Muslimfoɔ kakrabi anaa ebi mpo nni ho koraa na se Jama’at no mpuntuo hia wo ho a, ewo se yesi aseredan wo ho. Kwan biara so no, nhyehyee ne se, yesi asoredan no wo nokore die mu ne pɛpɛpɛyɔ ne nsusuee pa mu, efiri se Nyame nti na yeresi asoredan no. Eho mmoa nye ade keseɛ biara anaa nipa baako adwuma anaa kwan bone so, Nyankopon No ankasa na Ɔbehira so (Malfuzat, Vol 6 pg.119, 1984 Edition).

Yeada saa nsemfua yi adi mpen pii na mmom ekuta nsem hia pii a ewo se Ahmadiyyafoɔ twe won adwene si so. Kyefa a ɛdi kan no ka se “Asoredan ye Nyame fie. Nyankopon adom, Ahmadiyyani biara gye Nyame di; ewo se yetwe saa gyidie yi ko Nyankopon fie ho wo ahobraseɛ mu na yehwe kwan a yebefa so atwe dom ahye ho ma. Se yetumi twe yen adwene gyina neema yi so a, endee na ye ye Nyankopon abodeɛ asedee ama won wo bere a ehia ma se yetumi nya ɔdo ne tema soronko bi ma won. Wo saa nsemɔ yi so no, Bohye Messiah (ANN) no aka nsem bi afa Asoredan ho. Ewo se nipa dom a wowo kuro no mu nyinaa ka won ho bo mu na woyo asore wo saa asoredan yi mu. Nhyira pii wo nipa dodoɔ anaa nkabom asoreyo mu. Nkyekyemu de nyiyi mu ba wo bere a wei ne bere a ewo se yehyia na yeka yen ho bo mu. Nsem a ede mente mehoase beba biara no, ewo se yebogu na yetwe yen ho firi ho. Enti wei ye Nyankopon fie na ewo se Ahmadiyyafoɔ a wowo tena bere yi (Valencia) no hye nkabom asoreyo yi ma wo bere a won beka won ho abom wo ɔdo ne tema kwan so. Bohye Messiah (ANN) no kaa saa nsem yi mfie (108) a atwam no. Ewo mu se ono ankasa na otete n’akyidifoɔ no wo sunsum ne Nyame suro kwan so. Na won Nyame suro ne won ahotee ne kronkron bea no wo soro sen nne yi.

Na wosuro Nyame yie na wosan yo won asore yie wo Nyamesuro kwan so. Mmom, won a wo gyee Bohye Messiah (ANN) no diie no ye won a na wone Nyame wo nkitahodie soronko. Ne nyanaa akyi no, eye Nyankopon komhyeni adwuma se obekyerkyere Nyamesuro mu (Taqwa) na ode nipa ako kwan tenee so.

Wei nti na otwee yen adwene de sii n'akyidifoɔ no nsem so no. Na ehia no se, se yeanda no adi anaa yeankyerekyere Nyamesuro (Taqwa) wo saa bere yi mu anaa mfitiasee yi a, yeranya nhwesoo biara a yen asefoɔ no bedi akyire.

Hadhrat Khalifatul Masih aka se, Bohye Messiah (ANN) no akyidifoɔ no ho nsem nnidisoɔ a ohyee aseefiada pii a etwa mu no, eho san hia. Yeanka akyidini biara ho asem na won a yekaa won ho asem no; na eye nsemfua kakra bi. Ne nyinaa akyi no, wowo gyinabre kesee a ema yen nhywesoo ma yebo mpaee ma won. Valencia ha no, se Bohye Messiah (ANN) akyidifoɔ no abusuafoɔ wo ha a, won mbo mpaee ma won mpaninfoɔ no. Mmom, nwuma pii wo ho a ewo se yeyo no wo kuro yi mu. Ewo se yede anidasoo a ayera wo mfie pii a abesen ko no san ba bio, na nnipa san so ka won ho bomu adi Okomhyeni Kronkron Muhammad (NNN) no akyi. Ansa na yebeyo wei no, nea adi kan ye Nyamesom ansa na Nyamesemka (Tabligh) wo nkabom kuo baako mu.

Yeka nsem pii wo saa kuro yi mu, enti dee edi kan no ewo se yeda suban pa adi. Se won a wodi Jama'at no anim no anka ambomu a, ndee won anye Nyankopon fie asedee. Huzoor aka se, woaka no da se, yebeda asoredan fe no adi no, ene se yebanya gyidie a yede beba asoredan no mu abeyo asore ama no aye fe, se won so ne tema nso da adi a. kyefa a adi kan a Huzoor kenkan no ne yi kyere odo soronko san ma yehunu se eye Nyame adom nti na yen aye baako. Ogyidini papa biara ndi mmra biara so, Nyankopon nkyerekyere nyinaa.

Huzoor aka se, obiara nyi mfiri Nyankopon mmra ase. Nye ono anaa obiara, se oye obi a owo dibre wo Jama'at no mu, Jama'at no asofoɔ, Ahmadiyyafoɔ mmaa ne marima. Mmera tenten a yebesoo Nyankopon ahoma no mu, na yedi Kuraan Kronkron no mmra ne ne nhyehyee so na yekae N'adom a W'ama yen Ahmadiyyafoɔ, yeben Ono ne Ne som bae asedee ama no. Afei nso yebesoo Okomhyeni (NNN) ne ne dee obree ne ho ase maa no nkyerekyere pa no mu a eye Bohye Messiah (ANN) no. Yebehye Nyankopon adom a Ode ama yen no ma. Asuaee a yen ne Khalifa a owo ne mmere yi mu asuaee no (Bai'at), kwan biara so no yere nti n'asem nkoa na yebesan adi n'asem no so. N'ani begye Nyankopon nhyira no ho. Ewo se yekae se, Kuraan Kronkron no, Okomhyeni Kronkron (NNN) no, Bohye Messiah (ANN) no, nansianamu (Khalafate) a ewo Ahmadiyya som no mu nhyehyee wei anitia biara no reben ogya amena no ho. Yeresoo Nyankopon ahoma no mu den na yerekaekae Nyankopon adom bema yen adi nhyehyee no so. Odo kan, tema ne onua do betena Ahmadiyyafoɔ na atwe won afiri ogya no ho. Ahmadiyyafoɔ kan no twe won ho firi won a wokra won nsem na won neyooe wo saa okwan yi soo no tiri aye yie. Gyese obi aduru saa gyinabre yi ansa na woatumi asaman afoforo ama Onyankopon.

Nne yi, nipa dodoɔ noara nnye nni se Nyame te ase. Nso, Spainfoɔ atwe won ho aben Nyamesom. Nna mienu ni, woyoo akwaaba nhyiamu bi maa Spainfoɔ wo Valencia man mu. Valencia Manpanin baa saa nhyiamu yi ase bi na nkasaee mu no okaa se, nkurofoɔ repo Nyamesom na ehia se yetwe won ben Nyamesom. Hadhrat Khalifatul Masih kaa se, ne tipensofoɔ a woahyia won wo apuee afa nyinaa mu no, wei ne nipa a woatumi anya dadwene ama Nyamesom.

Nyankopon akyere no pefee se Islam ne nokwasom no. Nti esom biara ni ho a ebetumi atwe nipa aben Onyankopon; esom biara nni ho tumi. Na won a eye won asodie se wobehyeta Islam ne won a wode 'Onyankopon-Ahoma' no aye won adom ne Ahmadiyyafoɔ. Se yeanyo koroye na yeye mpaepaemu a, yebeko ako yi y'ano wo Onyame anim. Mekaa wo Efiada a atwam no se, Spainfoɔ a na won nananom ye Muslimfoɔ no mu mpempem reba Islam mu bio. Nanso wonhunuu Islam papa no. Ewo se yema wohunu. Ahmadiyyafoɔ dodoɔ noara a wowo "Europe" no gyee Islam diiee wo won honhom pa mu nanso Ulemafoɔ (esom mu mpaninfoɔ) ankyere won honhom mu mpuntuo no a worehwehwe no. Saa nkurofoɔ yi koo so ara hwehwee mu na wobegye Ahmadiyya diiee. Ahmdiyyani biara nkae se, obiara a ogye esom yi di na obeyo esom yi foforo biara nya honhom mu asomdwoee nti won a woye Ahmadiyya som akyere no nyinaa nsese won ankasa ho. Se won a woyoo esom yi akyere no titiriw won a wofirii Pakistan no, anye wosedeefi a, wobepamo nkurofoɔ a worehwehwe nokore no.

Wo saa Valencia nhyiamu yi mu no, Huzoor kasaa kakra faa Islam nkyerekyere ho. Obaa bi a woabo duku behunu no akyire. Na ose Spain ni, na okyere se oye Muslimni. Okaa se, woakyere Islam nkyerekyere

pa no mu yie. Bere a Huzoor kaa se obaa no se Spain ni no, Maulwi Karam Illah ba a na owo ho no kyeree mu se ampa, na oye Spain ni na obeyoo Islam. Obaa no buaa se; nye se woasakra keke na emom ne nananom som na woaso mu. Spainfoo dodoo no ara wo ho a worehwehwe won nananom som pa no. Ewo se yeyo adwumaden wo saa mmea yi ne saa nkurofoo yi mu. Huzoor kaa se, obekoso asiso dua se, se yeye se saa adwuma yi ye nhyira a, ese se yefa Onyankopon nkyerekyere no so ye nwuma.

Bohye Messiah (ANN) kaa se, Asoredan ye nkoso ne mpuntuo fapem nanso okaee yen se, ese se adwen a etaa akyire no ye adwen pa anaa akoma pa mu. Ewo mu se anitee ne nimdee ko bo mu dee nanso akoma pa ne titiriw. Se akesesem firi y'adwendwene mu a, Basharat Asoredan (Pedro Abad) ne saa Asoredan yi de mfaso pa beba.

Saa nhyiamu a wojo maa asoredan no wo Valencia no ye nhyiamu kesee a edi kan a Spanish Jama'at no ayo. Adofoo, animdifo, Aban mpaninfoo ne Amanyoofo na wokooe. Won nyinaa ani gye nhyiamu yi ho na dodoo noara kaa se, wei ne mmere a edi kan a wote Islam nkyerekyere pa no. Dodoo noara kaa se, won ho dwirii won. Ampa ara se, hohoo bi a na onnye Onyankopon nni nyaa adesua wo Nyamesom ho. Nne yi Bohye Messiah (ANN) no akydifo no nkoara na wobetumi ada Nyankopon teaseyo mu gyidie ne Nyamesom fe a eyo adi; wone nkurofoo a Onyankopon ama N'ahoma no nya aye mere ama won. Wode nhyiamu yi mu nkyerekyere no beko koowaa nkraataa mu na MTA kasafunini no nso a ekorakora saa nkyerekyere no nso ada no adi. Nhyiamu da no mu no, Valencia mmrahyebedwamu kasamafoo (Speaker of parliament) no koo Madrid man mu. Madrid ye donhwere mienu ketekye akwantuo. Na onim se entumi mma saa nhyiamu yi bi esianse okyereee. Nanso, saa okasamafoo yi tumi baaee. Oka kyeree ne hyenkafoo no se onfa no nko nhyiamu no ase preko ne ntem ara so.n'ani gye nkyerekyere no ho yie. Na onim se obeto beye donhwere-fa pe nanso okyereee. Okaa se, Huzoor ada Islam nkyerekyere pa no adi. Saa nso ara na na ahohoo afoforo nso tese amanyoofo, alyofoo, adokotafoo ne mmrahye-bedwafoo nso wo ho. Na ahohoo no dodoo ye oha ne nwotwe (108), efa adofoo a mmere bi akyi na wotia yen nyinaa. Wotiee saa nkyerekyere yi no, won adwene mu daa ho. Wiase rehwe na ewo se yeyo y'asedee. Saa asodie yi hia ma nteasee.

Kyefa a etoso mienu a wokenkanee ahyeese no kyere se; "moma nipa kuo bi nfiri mo mu a wobekyere papa..... na woabra bone". Wei titiriw gyina ho ma Jama'at asofoo no esianse Khalifa no aye won n'anan mu-sifo wo nkyerekyere anaa Anyamesemka mu. Wo ye nsemkafoo anaa akyerkyerefoo ma nkurofoo. Se asofoo no antumi ankyere suban papa a, wobeye den na wotatu afoforo fo? Jama'at yi mu Nyameseka ne afutuo ye woadwuma na ehia ma pisie. Esan nso hia ma abotere, sotie yo ne obuo, na afei yeni dee yeka so. Wo ye Khalifa no ananmusifo ma Jama'at yi honhom mu mpuntuo nti ese se wobu saa asodie yi. Won adwuma yo mu no, wotumi hyia ohaw, nnipa afa nso, wotumi so won abotere hwe wo mpenpensoo bi nanso ntem ara womo mpaee wo saa mere no mu na wonkae se wotatu won ho ama Otumfoo Onyankopon na ese se wotwe wiase ba Okomhyeni Kronkron (NNN) no frankaa no ase. Nti eni kwan se dee obi beka biara beye akwansidee ama won botae. Won bohye no da won ne Onyame Kesse anim, na nna woanim. Se wo ye koom ma suban bone a mpaninfoo no bi rebu no a wobenya Onyankopon nkyen anigye, esan se 'worekyere papa' wo akwan nyinara mu. Nye se woretwe woho afiri kama-menka nkoara ho na emom wontwe wiase nyinara nfiri ho. Nipa kuo a wotoso mienu a wokyere wo saa kyefa yi mu ye Jama'at yi mu mpaninfoo. Wama won asodie bi a wobebu ho nkonta. Nesaa nti, ese se woda suban pa adi na wodi nokore na woma afoforo nso di akyire.

Se wankyere suban pa, wokasa wo abere a woni so a, afoforo beka wo won anim se wonhwe won suban yie, wonhwe won honhom mu mpuntuo, wonkyere abodwo na wotumi ahyeta Jama'at no. Annye saa a won de nkyekyemu ereba. Ewo se Sadr Jama'at ne Ameer Jama'at na edi nkan ebu asofoo no. Nanso nni kwan se asofoo no efa no se eye won asedee se wobu won, ampaara se, ewo se wei ema wonom ye ahobrasee na otwe won ko nsesaee mu wo wonom ankasa mu. Se yetumi duru saa gyinabre wei wo kwan biara so a yen Taribiyat ho nsem so besiesie. Eye Nyame pe a (Insha Allah) yen dawubo nkyerekyere (Tabligh) no beboa ano anya anwanwasoo nkunimdie. Nkabom, obuo ne asomdwie no bema adee a yebeye no aye nhyira.

Hadhrat Khalifatul Masih kyerekyere emu se, ewo se obuo ne nteasee a ewo won a wowo dibre wo Jama'at no ko soro, wei sei ho hia sedee beye na yebanya nhyira wo yen nyuma nyinaa mu. Nkyekye mu, pesemenkomenya ne abufuo de nsunswanso bone ba. Hadhrat Khalifatul Masih a odii nkan ekaa asem bi a ekyere saa kyefa yi mu. Obi koka kyere papa bi a odi mu se n'adamfo osikani bi adidi no atem. Papa no nso free saa nipa no na ohyee ase didii no atem. Obusaa papa no se adenti na w'adidi no atem a ente saa. Oyii n'ano se efiri se papa baako no aka asem a ennye akyere n oa onntumi mmfa. Papa no a odi mu no kaa se, m'adidi wo atem na w'atie no din na w'ankasa efiri se wo wo abotere a yedetie asem din. Nanso abere a papa baako no yee adee a wommpe no, wo didii no atem efiri se wo buu no se wodi mu kyen no. Anka ewo se wonya abotere tese dee wonyaa no wo m'anim no. Me soo w'abotere na hweeee. Mpenpensoo a wowo abotere kosi. Tese dee yenya abotere ma won a wowo dibre kyen yen no saa ara na ewo se yenya ma won a whye yen ase ne won a yene won wo mpenpensoo nso na wei nkoara na ebema abufuo ne ntakwa so atwa. Yetu ewiase fo nanso se abere no duru ho a na yagya y,abotere ama no ko.

Wonom a wowo Jama'at no mu no nnwene mmfiri wei mu se wei no ye asedee ma won a w'atu wonho ama ne won a wowo dibre no nkoara. Nteasee ne asomdwie na yede dee Onyankopon ne Ne Komhyeni (NNN) aka no beye adwuma se yebema yen Nyamesuro atu mpon. Efas Bohye Messiah (ANN) no nkyerekyere ho no na yebeye ahobrasee ama dee Khalifa a owo ho saa bere no aka no ye obiara asedee. Eye nhye ma obiara se obebu won a wowo dibre no. Eye Ahmadiyyani biara a sedee se obeda suban pa adi wo abere a owo fie anaase owo abonten. Se Ahmadiyyani biara ye n'asedee yie a eno nkoara na ebebo yen ho ban afiri egya no ano. Onyankopon annka se nkyerekyere ye asofoo ne won a wowo dibre no nkoara adwuma. Wofre aforoo ama Onyankopon no ye obiara adwuma. Kyefa a eto so miensa a me kenkan wo ahyasee no, Onyankopon ka se, eye obiara asedee ne ekwan no nso W'akeremu. W'atwere se, yemfre aforoo ma Nyame wo nyansa mu.

Seisei saa asem yi a y'aka no wo asoredan foforo wo Valencia no eretere, Tabligh akwan foforo ebiebie. Koowa nkrataa noahye ase eretwa, seisei eye Tabligh emmere. Asemfua "Hikmah" anaase Nyansa a wode aye adwuma wo Tabligh mu (16:126) wo nkyereasee bebiree. Dee adi kan, ewo se wonya esom ho nimdie a yebetumi anya afiri Kuraan Kronkron no mu ene ne nkyeremu no mu. Ewo se yen ngyinasoo ne adwene mu po no mu ye dena a enam wei so. Ne ahdith, ewo se nyinasoo no mu ye den nam wei so. Nyinasoo a emu ye den a yebetumi de ayiyi adwene mu naa nyinaa efiri ho a efa Komhyeni Kronkron (NNN) no ho no wo se yeye ho nhwehwe mu. Hikmah nso kyere peperepyo. Enni kwan se yen nteasee gyina adee a enni mu so, ene se enni kwan se yen nyinasoo ye adee a ennye. Abere a won a wonnye Ahmadiyyafo ehwere won nyinasoo no na won ahye ase eredidi atem.

Bohye Messiah (ANN) no ahye yen wo nimdie mu se asem biara nni ho a ebema yen aye adee a ennye anaase basabasaye. Wei sei nti na eho hia se yebekenkan Bohye Messiah (ANN) no atweresem no. Na emmoa yen wo Tabligh mu nkoara na mmom ebeboa yen wo Taribiyat mu enso. Yede Hikmah nso gyina ho ma suban pa ne akoma pa. Ahmadiyyafo aforoo busa no oyaw mu se ekwan ben na wonom befa so aye Tabligh akyere won a woben won ne wonom a wodo won no, se won a wodo won no kyere abufuo a, won nye dinn na wonya abotere. Wodi nipa bebiree so nkunim wo aboteremu. Ebinom twere bre me se won abotere ho aba mfasoo ama me busuani wei ne wei de nsa ahye Bai'at ase.

Hikmah, asemfua a Kuraan Kronkron no de yoo adwuma no w'akyere mu wo "Dictionary" mu se etwe obi firi gyinabre a onnim ho hwee mu. Won a woyo Tabligh no emfa saa kwan wei so na won hunu se adee biara a wobeka no emmfa aforoo nnko tebea a ennye mu. Ewo mu se, nkurofo bi wo ho a, Maulwifo bi a wonakoma ye den na w'ahyehye ato ho se, wonom bewu wo won tebea no mu, nanso se yede nyansa ye adwuma wo abere a yereye Tabligh na se nkurofo ba enam wonom nyansa ne wo abrabo mu a, won akoma betumi abeye mere. Dee atwa too, se nkurofo angye antomu a wonom gyae dee ennye, wonom a wonni esom no akoma beye mere, na won a wonnim hwee no twe won ho firi dee ennye ho. Na wonngye Nyame nni no bebiree gyina Valencia asoredan no animu ho. baako tie enooma a Huzoor kyere mu no efiri Kuraan Kronkron mu no okaa se, menya a anka meko so atie no abere biara. Akyire no wonom hyiaa Huzoor. Islam

nkyerekyereno nyansa ahye no ma a se wo kyere mu wo tebea a ewo ho no mu a, eye adwuma paa. Hadhrat Khalifatul Masih san siiso se, seisei a Jama'at no aba Valencia ha no, ewo se yeto ko so ye ehoo adwuma.

Hikmah nso hwehwe se yebe ka nokore. Islam ye nokware som na emma adee a ennye biara ho kwan. Yenka Ulemafoo no a woka se momfa nkontompo nye Hikmah. Ampaara se, baabi a nkontompo wo no, pɛpɛpɛye ne teneneeye nni ho na wei de bone ne basabasayo ban a wei nnye Islam. Asodie kɛsee paa da Ahmadiyyafoo so wo abere a Onyankopɔn ka se yen hye Hikmah mu ma yere wo nimdee mu wo kwan biara so ne wo mpenpensoo wo pɛpɛpɛyo mu na yen hunu nipa su. Eye adee a eho hia se yebehunu nipa sun a yentumi nnye Tabligh wo abere a ennka hoo. Wei no mo nyinaa bema wo ako papa tebea a ewo soro mu. Wei sei kyere adee a ebema w'akoma aye mere. Ene se adee a ehye Hikmah mu na ete ha na ekwan ahodo anaase ekwan soronko so na yefa so ye Tabligh ekyere won no, ewo se yesua na yefa so. Na ebo yen ho ban efa saa wei enso eso "na fa kwan pa a eye so ne won nyo mpensempensem mu" yen adwuma ne se yebeyo Tabligh na eye Onyankopɔn na ede nsunswansoo no beba. Wei sei nti na eho hia se yebe sesa yen su.

Bɔhye Messiah (ANN) no kaa se, adekoro no ara na se woka no wo baabi a obi beye wo yonko na asem koro noara woka no wo baabi a obi beye wo tamfo. Okaa se, abere biara ewo se yede "na fa kwan pa a eye so ne won nyo mpensempensem mu" no ye adwuma na okaa se ampaara se wei na Onyankopɔn fre no Hikmah no. Ewo se yehwe Hikmah so yie efiri se nkabom ye ma Tabligh. Onyankopɔn adom nti W'abue Tabligh akwan, seisei egyina nipa no so se obenya mfasoo afiri so. Koowa nkrataa atwa nsem a Huzoor kaaee no se wopam Muslimfoo womfia ahensoo (700) na seisei yebesaa aba yen akyi. Yen annisode hunu emmaa mu wo nsem a w'atwa no enkoara so. Saa ara na wokaa no dawubo mu wo Hadhrat Khalifatul Masih a ototo so enan no abere so wo bere a oredaa Basharat Asoredan no adi wo Pedro Abad. Nanso edee ben na yeanya wo mfie aduasa a atwa mu no? Nkurɔfo a won anisoadehunu ebamu no, emma mu wo twa a wotwa ba dawubo no mu enkoara. Ewo se yeko so hunu no wo yen mu na yehyehye enooma na afei yedeye adwuma wo nkabomu na yen home kosi se yebenya dee yerehwehwe no.

Adee a eho ennhia nni kwan se Ahmadiyyani edi akyire. Enni kwan se ohwe adee a Ameer anaase Sadr ka fa won ho no. Wonom ka kyere won a wode saa nsem wei bre won no na wofa won se won ho nnhia. Wonom se wode won a w'ahye bo ama Imam a w'aba saa bere yin a wonom pe se wohye no ma se wonom beyi gyidie akyen ewiase ene enooma a eho ennhia a ebeyi won adwene na ebema wonom eyere afiri won anisoadehunu no bema wonom akasa wo nkyerekyeremu na ebesei won ne won awiee. Wonom ka se, won a woka nsemhunu, se anka wonom wotema ma won ne Jama'at no a woka se enni kwan se woka saa asem wei kyere obiara efiri se woka a w'atwitwa won nantiri wo saa adwene wei no nsesaee ho kwan bebue. Khuddam ne Ansar ne Lajna nyinaa nka mom na wontu suban bone biara ase. Yesere se Onyankopɔn nhyira saa Asoredan wei wo kwan biara so.

Hadhrat Khalifatul Masih busa mpaee ma Ahmadiyyani bi a w'abo ne tuo wo Pakistan. Ne din de Nawab Shah. Oyare paa wo Karachi ayaresabea na enkye biara ayaresafoo (Doctors) no betumi akyere senee n'apomuden tee.

Translated by: 1. Master Abdul Hakeem Oduro Sahib

(Final year student, Jamiatul Mubashireen, Ghana)

2. Master Ishaque Opoku Muhammad Sahib

(Second year student, Jamiatul Mubashireen, Ghana)

Downloaded from: www.jamiatulmubashireen.org

Contact: www.jamiatulmubashireen.org/contact-us